

(٢٨)

ذكريات المطر

وبفتكر ك وبشتاقلك
في مطرة مغرقة الشارع
و مدخل بيت يلم قلوب
بتحضن بعض بتدفي
في نور يرسم ضلال وشك
بلون نفسى على الشباك
وييجى البرق فى عينيكى ويسحبني
ياخذنى فى ثانية ليكى هناك

فى شجرة وحيدة بردانة بغصن و جذع مترب

و شمس خريف

بتلمسنى ابتدى ادفى

ولما ابصر لعنيها بتتدارى وتتهرب

أنا لوحدى ومن غيرك ساكن دنيا بلا عناوين
يغيب صوت الفرح فيها ويفضل بس لحن حزين

بيوتها شكل من رسمك

شوارعها على اسمك ومهجورة و من غير ناس
والاقي سلوتى فى زحمة سؤال يائس مالىه إحساس
ليه سبتينى هنا لوحدى وخذتى معاكى كل خلاص؟؟

وأهرب جوه أسئلتى و اتخبى تغطيني

والاقيها بتشغلنى تجيبنى هناك توديني

واتارينى... أنا أهرب من حنينى إليكى تقوم ترمينى لحنيني

وألقي صوت بيتردد يصاحبنى يسلينى

ولما يعلى ويحشرج تبان لى الصحبة دى أنيني

وَأَتَبَسَّمُ وَاسْتَغْرِبُ شَفَايِفَ تَدْفِنُ الضَّحِكَةَ
مَعَاكِي الضَّحِكِ .. مَا كَانَتْ بَسَّ مِنْ قَلْبِي .. دَهْ كَانَ مِنْ كُلِّ
وَجْدَانِي
وَاتَوْهَ وَافُوقَ وَانَا بَسَّالُ
هَيِّجِي يَوْمَ أَكُونُ تَانِي؟؟
وَأَنَا نَائِمٌ
بَشُوفَ صُورَتِكَ بِحَسِّ بَانَ أَنَا عَائِشٌ
وَمَا أَصْحَى
أَمُوتُ مِنْ حَسْرَةٍ سَاكِنَانِي
وَأَفْهَمُ إِنِّي بِتَحْرِكِ وَبِتَنْفَسِ
بَشُوفَ وَاسْمَعِ وَاشْكُرْ رَبِّي وَاتَأْسَفِ
وَأَنَا عَائِشٌ فِي ذِكْرِي كُلِّهَا أَلْوَانُ
أَنَا لَوْحْدِي خِيَالُ أَوْ جِسْمٌ مِنْ غَيْرِ رُوحِ
وَفِي الذِّكْرِي وَفِيهَا بَسَّ أَنَا إِنْسَانٌ.

القاهرة ٢٧/٢/٢٠١٠